

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Articulus 4. Potest vera Religio à falsis Sectis facilè discerni, neque
excusabilis est Sectarius qui eam non investigat.

urn:nbn:de:hbz:466:1-40853

Demafij, Schotani, Amesij) putarent se in alterum orbem tempestate delatos , cuius idioma non assequerentur &c. Vide igitur (mi Sectarie) ex oraculo etiam tui doctissimi Mareij , quam perduto loco tua secta, & salus consistat.

ARTICULUS QUARTUS

*Potest vera Religio à falsis sectis facile discerni ,
neque excusabilis est Sectarius qui eam
non investigat.*

Sed ex ipsa Sectarum pugna, ac multitudine, plurimi hoc ævo sibi conficiunt speciosum sui erroris præsidium , aut potius desidiae latibulum. In tanta , inquiunt , Religionum inter se dissidentium colluvie , non ego talis sum Ædipus , ut possim certò divinare , quænam præ cæteris omnibus integrum fidei veritatem obtineat. Si enim id proprio examine & experiento velim investigare, non eâ sum tinctus literaturâ , aut eo prædictus ingenii acumine , ut possim cunctas sectarum differentias ad trutinam revocare, & omnium argumentorum pugnas dirimere. Quinimo prius me cum mente vita deficeret , quâm dispersas toto orbe sectas convenirem, ac singularum causas , originem ; & coherentiam sine erroris periculo compertam haberem. Si verò velis mihi non meo, sed Doctorum judicio standum esse : Nescio ego cui Doctorum concessum sit filium veritatis adeo implexum ita evolvere , ut me ex multiplicitate sectarum labyrintho citra erroris periculum , ad apertam veræ Ecclesiæ lucem educat. Sunt enim in qualibet secta plures qui Doctores

tores appellantur : ut ego inter hos omnes Doctorem præ cæteris veracem feligere possim, Doctor ipse maximus esse deberem. Quid ergo supereft , quām ut ego meæ sectæ inhæream , cui à teneris innutritus sum, quam parentes aut amici colunt , pro qua in dubio tam implexo stat apud me diuturni temporis possessio : ne veritatis incertus, dum charybdim vitare cupio, in scyllam deteriorem incidam. Contra hunc prætextum pluribus communem , eoque fallaciorem quo magis fucatâ veritatis specie depingitur.

Dico primò ; Admissâ Dei providentiâ, vera Religio iis notis insignita esse debet, ut à quovis intellectu benè disposito facile discernatur.

Probatur primò , si Deus mundum gubernat, evidens est illum Religionem veram instituisse, quā ab hominibus coli debeat, ut supra initio demonstravi. Frustra autem illam instituisset , si non ordinasset signa & argumenta idonea quibus facilè vera illa Religio à sectis falsis discerneretur: frivolum enim foret proponere finem, & nihil certi statuere de mediis quibus ad illum pervenire oporteat. Hoc autem fieret si pro denotanda vera Religione non extarent signa multo illustriora , quām quæ possint pro quacunque falsa exhiberi. Nam si signa illa ullo modo permanerent æqualia, nullum supereffet medium quo possit vera Religio à falsa discerni , atque adeo hominum errores ex hac parte in ipsum Deum referendi essent , quod de perfectissima , ac humanæ salutis moderatrice Dei sapientia existimare impium foret.

Probatur secundò , ex obligatione certa quæ quemvis obstringit , ad veram Religionem præ falsa amplectendam. Hæc autem obligatio nulla pror-

prorsus foret, si vera Religio non esset præ Sectis falsis satis explorata. Sicut in aliis Dei præceptis, exempli causâ, ut testimonium perhibeam veritati, nunquam teneor juramentum assumere, dum rei veritas manet dubia, aut tantum probabilis, ne facilè contingat Deum à me in falsitatis testem adhiberi. Unde conficitur infinitam Dei sapientiam sibi manifestè contradicere, si veram Religionem hominibus præcipieret, & interea illius præ cæteris signa satis explorata non exhiberet.

Hanc autem calumniam divinæ sapientiæ nemo facilè importabit, qui studiosè adverteret tam in veteri, quam novo Testamento, insuriente quovis Religionum conflictu, ut in Moyse, Daniele, & Apostolis, Deum veræ Ecclesiæ ea signa præbuisse, quæ facilè omnem adverse partis probabilitatem elidere potuerunt.

Hic proinde non admitto ex notis sive moti-
vis tantum probabilioribus, sine ulteriori inve-
stigatione, licitum esse aliquam præ cæteris
Religionem suscipere, aut jam susceptam in
aliam commutare. Quamvis enim sola proba-
bilitas plerumque in aliis operationibus valere
possit, non ideo in suscipienda quoque novâ
Religione sufficere debet. Quia in negotio fidei
error etiam materialis in ordine ad actiones fa-
lulares gravissimè nocere solet: neque deest
homini non oscitanti modus, quo diligenter in-
vestigatione facilè ad verè Ecclesiæ notas mora-
liter evidentes devenire possit, qualis adipiscen-
dæ certitudinis via in aliis hominum actionibus
constituta non reperitur.

Quærunt hoc tempore aliqui: An ad assen-
sum præbendum articulis fidei, requiratur evi-
dentiæ etiam omnimoda revelationis divinæ?

Ref.

Respondeo, Ad assensum fidei debitum , necessariam non esse cognitionem absolutè evidenter revelationis divinæ. Quia evidētia omnimoda aut metaphysica revelationis ab omnibus in hoc statu haberi nequit , ergo non potest illa omnibus ad assentiendum articulis nostræ fidei esse necessaria. Quod adeò certum est , respectu hominum præsertim rudiorum, ut hoc de fide esse affirmet Suarez hic, disp. 3. sect. 8.n. 5. Dum enim rudiores articulis fidei assensum præbent , non appetit quo modo , aut medio authoritas Dei loquentis illis evidenter prōponatur : quinimo paucis doctiorum contingit ad absolutam revelationis evidentiam ratiocinando penetrare.

Sed quæstio esse potest, An assensus fidei omni ex parte evidens, possit dici supernaturalis ? De hoc variæ sunt , & liberæ Theologorum sententiæ. Negant aliqui esse supernaturalem , quia actus fidei evidens , non est liber , neque obscurus, sive argumentum non apparentium, ut ipsi volunt , & requirunt ad actum proprium fidei divinæ. Probabilius tamen assensum illum esse supernaturalem docent communius Thomistæ, ut recenter tradit Gonet disp. 1. art. 7. n. 201. & pro eadem sententia Scotum citat Di Castillio , quos sequitur Herinx ex Scotistis Author recens & eruditus , nec non ex Carmelitis Bonæ spei , & ex Nostris Vasques, Ariaga, Ripalda, & plures alii : Quia nulla ratio satis probat habitum fidei non posse influere in assensum evidētia , cum inter evidētia & supernaturalitatem nulla ostendatur repugnantia , ut patet in actu visionis Beatificæ , qui simul evidens est & supernaturalis. Potest igitur cum assensu fidei divinæ stare evidētia revelationis,

C

sed

30 Art. 4. Neglectus Disquisitionis

sed perperam assentitur, hanc ad fidem nostram
esse necessariam.

Suficit igitur articulos fidei proponi cum
notis, quae de veritate revelationis divinæ ita nos
certificant, ut non possimus de ea prudenter
dubitare. Ad assensum hujusmodi præstandum
nulla modernarum Sectarum sufficienes ratio-
nes aut notas exhibere valet.

Dico igitur Secundò, Neque Protestantes,
neque alii horum temporum Sectarii possunt in
sua conscientia, aut divino tribunali excusari,
quamdiu certiores veræ Ecclesiæ notas non
inquirunt.

Probatur, Non potest aliquis excusari, aut
bona fide in ea secta permanere, in qua nequit
exhibere veræ Ecclesiæ signa certiora, quam
habeant aliæ sectæ, quas ipse devias & falsas
esse agnoscit. Atqui neque Protestantes, neque
alii Sectarii possunt in suo Cœtu ostendere illa
signa aut fundamenta certiora veræ Ecclesiæ,
quam habeant aliæ sectæ tam modernæ, quam
antiquæ, quas ipsi pro falsis reprobant, & à sua
communione rejiciunt. Quinimo à Protestan-
tium confessione de Primatu Ecclesiæ in Regi-
bus, de Hierarchia & potestate Prælatorum, &
pluribus fidei punctis communis judicio gravis-
simis, reliquæ totius orbis Ecclesiæ dissentunt.

Quo igitur modo poterit horum aliquis sine
ulteriori examine in sua secta securus conques-
cere, quam facile advertit, præ cæteris sectis à
se reprobatis, nullo speciali Dei testimonio,
nullo exploratae veritatis fundamento subniti?

Arque ut hoc argumentum in brevi dilem-
mate fortius inhæreat: Quæro ex quovis Pro-
testantium Ministro, An reliquas horum tem-
porum sectas veras judicet, an falsas? Si dicat

veras;

veras ; jam Ecclesiam suam agnoscit falsam , utpote quæ à cæteris Ecclesiis , quas pro veris habet, ut falsa rejicitur. Si vero reliquas sectas falsitatis arguat , suam quoque inter falsas numeret necesse est , cum nullum prorsus exhibere possit speciale signum , aut apertum Dei testimonium, quo Ecclesiam suam, præ cæteris à se reprobatis, melioris conditionis esse demonstraret.

Ex his quæ hactenus deduximus apertè confititur , quemlibet suæ saluti prospicere volentem, debere Religionem veram , & unicam sedulo investigare , neque posse sine summa imprudentia ac temeritate hanc curam negligere in negotio totius vitæ gravissimo, quale est iactura salutis æternæ , quæ sine vera fide obtineri non potest. Ut enim à salute aberres , perinde est an tuā culpā falsam Fidem , an nullam profitearis.

Ut autem vera , & unica Religio , in qua voluit Deus salutem æternam obtineri , à sectis falsis securè discernatur, Argumenta sequentia, sepositis partium studiis, sincero propriæ salutis ac veritatis desiderio , expendenda erunt,